

**„უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებაში ცვლილების შეტანის თაობაზე**

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად ვბრძანებ:

**მუხლი 1**

„უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებაში ([www.matsne.gov.ge](http://www.matsne.gov.ge), 110504011, 04/05/2011; სარეგისტრაციო კოდი: 430030000.22.022.016102) შეტანილ იქნეს ცვლილება და:

1. ბრძანების 2<sup>3</sup> პუნქტის შემდგომ დაემატოს შემდეგი შინაარსის 2<sup>4</sup> პუნქტი:

„2<sup>4</sup>. დამტკიცდეს სადოქტორო საფეხურის განათლების ჩარჩოდოკუმენტი დანართი №6-ის შესაბამისად.“;

2. ბრძანების პირველი პუნქტით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ (დანართი №1) 17<sup>2</sup> მუხლის შემდგომ დაემატოს შემდეგი შინაარსის 17<sup>3</sup> მუხლი:

„მუხლი 17<sup>3</sup>. სადოქტორო საგანმანათლებლო პროგრამების აკრედიტაციის თავისებურებანი

სადოქტორო საგანმანათლებლო პროგრამის აკრედიტაციის სტანდარტებთან შესაბამისობის განსაზღვრისას მხედველობაში მიიღება სადოქტორო საფეხურის განათლების ჩარჩოდოკუმენტით დადგენილი სპეციალური მოთხოვნები.“;

3. ბრძანების 2<sup>4</sup> პუნქტით დამტკიცებული „სადოქტორო საფეხურის განათლების ჩარჩოდოკუმენტი“ (დანართი №6) ჩამოყალიბდეს ამ ბრძანების დანართის შესაბამისად.

**მუხლი 2**

1. უმაღლესმა საგანმანათლებლო დაწესებულებებმა არაუგვიანეს 2025 წლის 1 იანვრისა უზრუნველყონ მოქმედი სადოქტორო საგანმანათლებლო პროგრამების შესაბამისობაში მოყვანა ამ ბრძანების პირველი მუხლის მე-3 პუნქტით გათვალისწინებულ სადოქტორო საფეხურის განათლების ჩარჩოდოკუმენტით დადგენილ მოთხოვნებთან.

2. ამ ბრძანების პირველი მუხლის მე-3 პუნქტით გათვალისწინებული სადოქტორო საფეხურის განათლების ჩარჩოდოკუმენტით დადგენილი მოთხოვნები გავრცელდეს ამ ბრძანების გამოქვეყნების თარიღიდან სადოქტორო საგანმანათლებლო პროგრამაზე ჩარიცხულ დოქტორანტებზე.

**მუხლი 3**

ეს ბრძანება ამოქმედდეს გამოქვეყნებისთანავე.

საქართველოს განათლების,  
მეცნიერებისა და ახალგაზრდობის  
მინისტრი

გიორგი ამილახვარი

